

ხელშეკრულება სახელმწიფო შესყიდვის შესახებ № 1/19

ქ. თბილისი

- 7 - ოქტომბერი, 2012 წელი

საჯარო სამართლის იურიდიული პირი საქართველოს ეროვნული საინვესტიციო სააგენტო, მდებარე ქ. თბილისი, გ. ჭანტურიას ქ. №12 (შემდგომში "შემსყიდვებელი"), სააგენტოს დირექტორის, ქეთევან ბოჭორიშვილის სახით, ერთის მხრივ და მეორეს მხრივ შპს "ფინანსური გადაწყვეტილების ჯგუფი", მდებარე ქ. თბილისი, ალ. ყაზბეგის გამზ კორპ 2. ბინა 27 (შემდგომში "მიმწოდებელი"), მისი დირექტორის დავით ლომსაძის სახით, ვთანხმდებით შემდეგზე:

1. ხელშეკრულების საგანი

- 1.1. გამარტივებული შესყიდვის გზით, ამ ხელშეკრულების 2-ე პუნქტით გათვალისწინებული ანაზღაურების სანაცვლოდ, მიმწოდებელი ვალდებულია 2012 წლის 7 ოქტომბერიდან 2012 წლის 28 ოქტომბერიმდე გაუწიოს შემსყიდველს 2011 წლის საბუღალტრო დოკუმენტაციის (სახელმწიფო ბიუჯეტის სახსრებითა და სსიპ სახსრებით) აუდიტორული შემოწმება შერჩევითი გზით
- 1.2. ხელშეკრულების საგნის CPV კოდია: 79212000 (აუდიტორული მომსახურება)
- 1.3. ხელშეკრულების გამარტივებული წესით წარმოების საფუძველია სახელმწიფო შესყიდვების შესახებ საქართველოს კანონის 3-ე მუხლის პირველი პუნქტის სპრინტი ქვეყნებით.

2. ხელშეკრულების ღირებულება

- 2.1 ხელშეკრულების საერთო ღირებულება შეადგენს 4900.00 (ოთხი ათას ცხრაასი ლარი) ლარს (დღგ-ს ჩათვლით).
- 2.2 ანგარიშსწორება ხორციელდება სახელმწიფო ბიუჯეტის სახსრებით.

3. მომსახურების გაწევის პირობები

- 3.1. მიმწოდებელი ვალდებულია 2012 წლის 7 ოქტომბერიდან 28 ოქტომბერიმდე გაუწიოს შემსყიდველს 2011 წლის საბუღალტრო დოკუმენტაციის აუდიტორული შემოწმება .

4. მიღება-ჩაბარების წესი

- 4.1. მომსახურების მიღებას ახორციელებს საქართველოს ეროვნული საინვესტიციო სააგენტოს დირექტორი ან დირექტორის მოვალეობის შემსრულებელი შესაბამისი მიღება-ჩაბარების აქტის გაფორმების გზით.
- 4.2. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების, და საჭირო დოკუმენტაციის წარმოდგენის შემდეგ.

5. ანგარიშსწორების ფორმა და ვადები

- 5.1. ანაზღაურება მოხდება უნაღდო ანგარიშსწორების ფორმით, მომსახურების გაწევიდან, ანგარიშფაქტურის და მიღება-ჩაბარების აქტის გაფორმებიდან არაუგვიანეს 15 სამუშაო დღის ვადაში.
- 5.2. სახელმწიფოსთან საგადასახადო და სხვა სახის ანგარიშსწორებას აწარმოებს მიმწოდებელი.

6. მხარეთა უფლება-მოვალეობანი

- 6.1. მიმწოდებელი ვალდებულია:
 - 6.1.1. ხელშეკრულებით დადგენილ ვადაში გაუწიოს შემსყიდველს შეთანხმებული ხარისხის და ოდენობის მომსახურება ან მიაწოდოს შეთანხმებული ხარისხის და ოდენობის საქონელი;
 - 6.1.2. განსაკუთრებული გულისხმიერებით მოეკიდოს შემსყიდველის ინტერესებს;
- 6.2. შემსყიდველი ვალდებულია:
 - 6.2.1. მიღება-ჩაბარების აქტის საფუძველზე ჩაიბაროს გაწეული მომსახურება ან მიიღოს მიწოდებული საქონელი, თუ მომსახურება ან მიწოდებული საქონელი შეესაბამება შეთანხმებულ ოდენობას და ხარისხს;
 - 6.2.2. ხელშეკრულებით დადგენილ ვადაში აანაზღაუროს გაწეული მომსახურების ან მიწოდებული საქონლის საფასური.

7. მხარეთა პასუხისმგებლობა ხელშეკრულების პირობების დარღვევისათვის

- 7.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზიანისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.
- 7.2. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დღისათვის მიმწოდებელს ეკისრება პირგასამტებლო ხელშეკრულების ფასის 0.1% ოდენობით. თავის მხრივ ანგარიშწორების ვადების დარღვევისას, შემსყიდველი ყოველ გადაცილებულ დღეზე, მიმწოდებლის მოთხოვნის საფუძველზე, უხდის მიმწოდებელს ასანაზღაურებელი თანხის 0.1%-ს.

8. ფორს-მაჟორი

- 8.1. მხარის (მხარეთა) მიერ ხელშეკრულების პირობების დარღვევა არ გამოიწვევს შესაბამის პასუხისმგებლობას, თუ აღნიშნული დარღვევა გამოწვეულია ფორს-მაჟორული გარემოებების ზემოქმედების შედეგად.
- 8.2. ფორს-მაჟორულია გარემოებები, რომლებიც წარმოადგენენ მხარეთათვის გადაულახავ, მათგან დამოუკიდებელ პირობებს (არ არიან გამოწვეული მხარეთა განზრას ან გაუფრთხილებელი, არასწორი მოქმედებების შედეგად) და რომელთა წინასწარ გათვალისწინება შეუძლებელია.

9. ხელშეკრულებაში ცვლილებების შეტანა

- 9.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.
- 9.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების მოქმედების ვადები

F866

- 10.1. ხელშეკრულების მოქმედების ვადა განისაზღვრება 2012 წლის 7 თებერვლიდან - 2012 წლის 31 მარტამდე .
- 10.2. ხელშეკრულება შესრულებულია 2 (ორი) თანაბარი იურიდიული ძალის მქონე ეგზემპლარად, რომელთაგან 1 ეგზემპლარი გადაეცემა შემსყიდველს, ხოლო 1 ეგზემპლარი – მიმწოდებელს.

11. დავის გადაწყვეტის წესი

- 11.1. მხარეთა შორის წამოჭრილი დავა წყდება ურთიერთშეთანხმებით.
- 11.2. ურთიერთშეთანხმებით დავის გადაუჭრელობის შემთხვევაში დავა წყდება სასამართლო წესით.
- 11.3. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით/ზეპირ ფორმას.

12. ინსპექტირების პირობები

- 12.1. შემსყიდველის წარმომადგენლს უფლება აქვს ხელშეკრულების შესრულების ნებისმიერ ეტაპზე განახორციელოს მიმწოდებლის მიერ ნაკისრი ვალდებულებების შესრულებაზე კონტროლი, მათ შორის მომსახურების ხარისხის პერიოდული შემოწმება.
- 12.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

13. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო უერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა აცნობოს მეორე მხარეს შეფერხების ფაქტის შესახებ. შეტყობინების მიმდება მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებასთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის ან ურთიერთშეთანხმების აქტის გზით.

14. ხელშეკრულების შეწყვეტის პირობები

- 14.1. შემსყიდველს შეუძლია ცალმხრივად შეწყვიტოს ხელშეკრულება, თუ:
 - 14.1.1. თუ მიწმოდებელი სისტემატურად არღვევს ან არსებითად დაარღვევს ხელშეკრულებით გათვალისწინებულ ვალდებულებებს;
 - 14.1.2. შემსყიდველისათვის მომსახურების ან საქონლის მიღებამდე ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოს ხელშეკრულებით ნაკისრი ვალდებულებების შესრულებას;
 - 14.1.3. შემსყიდველისთვის ცნობილი გახდა, რომ მიმწოდებლის მატერიალური ან სხვა მდგომარეობის საგრძნობლად გაუარესების გამო საფრთხე ექმნება მიმწოდებლის მხრიდან ვალდებულების შესრულებას;
 - 14.1.4. თუ წარმოიშვა ხელშეკრულების 8-ე პუნქტით გათვალისწინებული ფორს მაჟორული მდგომარეობა, რომელიც საფრთხეს უქმნის მიმწოდებლის მხრიდან ვალდებულების დროულ შესრულებას;

- 14.1.5. თუ წარმოიშვა ხელშეკრულების 13-ე პუნქტით გათვალისწინებული მდგომარეობა, რომელიც საფრთხეს უქმნის მიმწოდებლის მხრიდან ვალდებულების დროულ შესრულებას;
- 14.2. საქართველოს კანონმდებლობით გათვალისწინებულ სხვა შემთხვევაში.
- 14.3. იმ შემთხვევაში თუ ვადის გადაცდენისათვის დაკისრებული პირგასამტკიცელოს ჯამური თანხა გადააჭარბებს ხელშეკრულების ღირებულების 50%-ს, ორივე მხარეს უფლება აქვს ცალმხრივად შეწყვიტოს ხელშეკრულება;
- 14.4. ამ ხელშეკრულების 14.1.2., 14.1.3, 14.1.4. და 14.1.5. პუნქტებით გათვალისწინებულ შემთხვევებში შემსყიდველს არ შეიძლება დაეკისროს პასუხისმგებლობა ხელშეკრულების შეწყვეტისა და ვალდებულების შეუსრულებლობისათვის.

შემსყიდველი:

სსიპ-ს „საქართველოს ეროვნული
საინვესტიციო სააგენტო“, დირექტორი




/ქეთევან ბოჭორიშვილი/
ქ. თბილისი, გ. ჭანტურიას ქ. №12
ეროვნული ბანკი
ს/კ №204990082
ა/ა №200122900
კოდი 220101222

მიმწოდებელი:

შპს "ფინანსური გადაწყვეტილების
ჯგუფი"

დირექტორი:



/დავით ლომსაძე/
ქ. თბილისი, ალ. ყაზბეგის გამზ.
კორპ 2.ბ 27

ს/ს პროკრედიტბანკი ვაკის ფილიალი
ს/კ 205043344
ბ/კ MIBGGE 22
ანგ. # GE80PC0053600100017824